



Broj: 05/1-50-13-26-35-6/17
Sarajevo, 28.8.2017.

IZVJEŠTAJ

sa sastanka članova Nezavisnog odbora Parlamentarne skupštine BiH kao nezavisnog tijela policijske strukture BiH s rukovodstvom Direkcije za koordinaciju policijskih tijela BiH

Sastanak je održan 13.7.2017., s početkom u 11 sati, u prostorijama Direkcije za koordinaciju policijskih tijela BiH u Sarajevu. Prisustvovali su: Mirsad Vilić, direktor Direkcije za koordinaciju policijskih tijela BiH, Mile Jurić, zamjenik direktora Direkcije za koordinaciju policijskih tijela BiH, Enes Obraliija, prvi zamjenik predsjednika Nezavisnog odbora, Ljubomir Kuravica i Nikola Džambas, članovi Nezavisnog odbora, te Ivana Lovrić, sekretar Nezavisnog odbora.

Direktor Direkcije za koordinaciju policijskih tijela BiH Mirsad Vilić poželio je dobrodošlicu članovima Nezavisnog odbora i rekao da je na raspolaganju za sva eventualna pitanja.

Enes Obraliija, prvi zamjenik predsjednika Nezavisnog odbora, ukratko je obrazložio razlog posjete. Reкао je da je posjeta organizirana u skladu s Planom i programom rada Nezavisnog odbora za 2017. godinu s ciljem održavanja kontinuiteta saradnje s policijskim agencijama iz svoje nadležnosti.

Direktor Direkcije za koordinaciju policijskih tijela BiH izrazio je zahvalnost članovima Nezavisnog odbora na podršci koju su pružili, a u vezi s donošenjem Odluke o određivanju osoba, objekata i vrijednosnih pošiljki koji se štite i Uputstva o obimu i načinu provođenja fizičke i tehničke zaštite osoba, objekata i vrijednosnih pošiljki.

Rukovodstvo Direkcije za koordinaciju policijskih tijela BiH upoznalo je članove Nezavisnog odbora o tome kako je sa sigurnosnog aspekta proteklo obilježavanje 22. godišnjice stradanja

u Srebrenici. Formiran je Organizacioni odbor unutar kojeg su formirani određeni pododbori kao što je Pododbor za sigurnost čiji je predsjednik bio predstavnik Direkcije.

Također, paralelno s tim Direkcija je, u skladu sa svojim nadležnostima, formirala Operativni štab unutar kojeg su bile sve policijske agencije, uključujući i Obavještajno-sigurnosnu agenciju i Oružane snage BiH gdje su se razmjenjivale sve informacije u vezi sa osiguranjem skupa. Direkcija je imala svog predstavnika i u Štabu MUP-a Republike Srpske koji je bio zadužen za osiguranje učesnika na trasi Marša mira.

Naglasili su da se cijeli događaj odvijao u jednoj atmosferi koja i dolikuje dženazi i ukopavanju posmrtnih ostataka.

Direktor Direkcije za koordinaciju policijskih tijela BiH naglasio je da ima izuzetno dobru saradnju s drugim policijskim agencijama u BiH kada su u pitanju borba protiv terorizma, korupcije, organiziranog kriminala i dr.

Naglasio je da je u Mostaru počela obuka za 55 kadeta, 50 u činu policajac i 5 u činu mlađi inspektor, te da je Vijeće ministara BiH dalo saglasnost za prijem još 50 novih kadeta za koje će konkurs biti raspisan otprilike za mjesec dana. Također je naglasio i da je Vijeće ministara BiH putem Ministarstva sigurnosti BiH omogućilo zapošljavanje i određenog broja državnih službenika u Direkciji za koordinaciju policijskih tijela BiH.

U razgovoru s rukovodstvom Direkcije otvorilo se pitanje nacionalne zastupljenosti svih konstitutivnih naroda u Direkciji za koordinaciju policijskih tijela BiH. U tom smislu rukovodstvo Direkcije informiralo je članove Nezavisnog odbora da trenutno na poziciji pomoćnika direktora nema ni jednog izvršioca iz srpskog naroda u činu glavni inspektor, ali da dva policijska službenika iz istog naroda obavljaju poslove načelnika u činu glavnog inspektora, te novim zapošljavanjem već preduzimaju mjere s ciljem ravnopravne nacionalne zastupljenosti. Član Nezavisnog odbora Ljubomir Kuravica postavio je pitanje u vezi s primjenom člana 5. stav (2) Zakona o Direkciji za koordinaciju policijskih tijela i o agencijama za podršku policijskoj strukturi Bosne i Hercegovine u pogledu preuzimanja policijskih službenika iz entiteta, kantona i Brčko Distrikta. U vezi s tim, zatražio je pisani odgovor od rukovodstva Direkcije.

Kada je u pitanju trajno rješavanje smještaja Direkcije za koordinaciju policijskih tijela BiH, direktor je informirao članove Nezavisnog odbora da je prvobitno donesena Odluka Vijeća ministara BiH da se na lokaciji Zrak u Buča Potoku izgradi sjedište Direkcije. Odluku su na početku i prihvatili, ali pod uslovom da objekat zadovolji sve ono što je potrebno Direkciji (situaciona soba, operativna soba i sve ono što procedure nalažu kada su u pitanju INTERPOL i EUROPOL...). Međutim, po završetku projekta za izgradnju sjedišta Direkcije uvidjeli su da ta lokacija nije mogla ispuniti uslove koji su potrebni da Direkcija obavlja zadatke iz svoje nadležnosti. Druge dvije opcije za rješavanje smještaja Direkcije su etažiranje objekta gdje se trenutno nalaze i dodjeljivanje tri sprata u vlasništvo Direkcije ili izgradnja potpuno novog objekta, ali da bi se krenulo u realizaciju, potrebno je Odluku Vijeća ministara o izgradnji na lokalitetu Zrak staviti van snage.

Na kraju su članovi Nezavisnog odbora naglasili da će Nezavisni odbor i dalje, u okviru svojih nadležnosti, pružati podršku radu Direkcije za koordinaciju policijskih tijela BiH i poželjeli im mnogo uspjeha.

Sastanak je završen u 13 sati.

**PRVI ZAMJENIK PREDSJEDNIKA
NEZAVISNOG ODBORA**

Enes Obralića